

სსიპ – ილიას სახელმწიფო უნივერსიტეტის მიერ იურიდიული მომსახურების სახელმწიფო შესყიდვის
მიზნით შექმნილი სატენდერო კომისიის სხდომის

ოქმი №1

სატენდერო კომისიის შემადგენლობა:

ქეთევან ლაკირბაია, სსიპ – ილიას სახელმწიფო უნივერსიტეტის ადმინისტრაციის ხელმძღვანელი, კომისიის თავმჯდომარე;

დალი ცქიტიშვილი, სსიპ – ილიას სახელმწიფო უნივერსიტეტის იურიდიული სამსახურის უფროსი, კომისიის წევრი;

თეიმურაზ მაღრაძე, სსიპ – ილიას სახელმწიფო უნივერსიტეტის შესყიდვების სამსახურის უფროსი, კომისიის წევრი;

ვასილ გაგნიძე, სსიპ – ილიას სახელმწიფო უნივერსიტეტის შესყიდვების სამსახურის უფროსის მოადგილე, კომისიის წევრი.

სატენდერო კომისიის აპარატის შემადგენლობა:

ივანე კვიტაიშვილი, სსიპ – ილიას სახელმწიფო უნივერსიტეტის შესყიდვების სამსახურის მთავარი სპეციალისტი, კომისიის აპარატის წევრი.

დღის წესრიგი

სსიპ – ილიას სახელმწიფო უნივერსიტეტის მიერ იურიდიული მომსახურების შესყიდვასთან დაკავშირებული ტენდერის პირობების (სატენდერო განცხადება, სატენდერო დოკუმენტაცია) განხილვა და დამტკიცება

განიხილეს: სატენდერო კომისიამ განიხილა სსიპ – ილიას სახელმწიფო უნივერსიტეტის მიერ იურიდიული მომსახურების სახელმწიფო შესყიდვის მიზნით, სახელმწიფო შესყიდვების ერთიან ელექტრონულ სისტემაში ელექტრონულად შევსებული ტენდერის პირობები (სატენდერო განცხადება და სატენდერო დოკუმენტაცია).

სატენდერო კომისიის სხდომაზე აღინიშნა რომ, ვინაიდან სსიპ – ილიას სახელმწიფო უნივერსიტეტი თავისი მიზნებიდან გამომდინარე, აქტიურად თანამშრომლობს საერთაშორისო ორგანიზაციებთან, წამყვან უცხოურ სამეცნიერო-კვლევით დაწესებულებებსა და უნივერსიტეტებთან, ორიენტირებულია უცხოელი სტუდენტების მოზიდვაზე, ხშირად არის უცხოური გრანტის მიმღები/განმახორციელებელი და ამ თანამშრომლობების ფარგლებში საჭირო ხდება როგორც სხვადასხვა ტიპის ხელშეკრულებების გაფორმება, ასევე სამართლებრივ საკითხებთან დაკავშირებით მოლაპარაკებების გამართვა და რთული სასამართლო დავების (უძრავი ქონების და ფინანსური საკითხების შესახებ) წარმართვა, საჭიროა საკვალიფიკაციო მოთხოვნების დაწესება პრეტენდენტების და მათი თანამშრომლების საქმიანი რეპუტაციისა და სანდოობის კუთხით.

ზემოაღნიშნულის გათვალისწინებით, სატენდერო კომისიას მიაჩნია, რომ მოცემულ შემთხვევაში დასახული მიზნის მისაღწევად (რათა უნივერსიტეტმა მიიღოს სასურველი მომსახურება), სატენდერო პირობებით უნდა დაწესდეს ისეთი მოთხოვნები (როგორც კომპანიის, ისე კომპანიის თანამშრომლების მიმართ), რაც უცხოურ კომპანიებში მიმწოდებლის რეპუტაციას დაადასტურებს. ამ მიმართულებით, ყველაზე ობიექტურ საზომად არის მიჩნეული საერთაშორისო რეიტინგები. თავისი კომპეტენციის ფარგლებში, სატენდერო კომისიის მიერ მოძიებული ინფორმაციით დგინდება, რომ არსებობს სამი წამყვანი სარეიტინგო სისტემა (The Legal 500, The IFLR1000, The Chambers and Partners), რომელიც იურიდიულ კომპანიებსა და იურისტებს აფასებს. შესაბამისად, პოტენციური მიმწოდებელი და მისი მინიმუმ ერთი თანამშრომელი რეგისტრირებული/წარმოდგენილი უნდა იყოს რომელიმე (ერთ-ერთ) სისტემაში. მნიშვნელოვანია ასევე, პრეტენდენტს გააჩნდეს საერთაშორისო ორგანიზაციებთან, ან/და კომპანიებთან ურთიერთობის (იურიდიული მომსახურების გაწევა) გამოცდილება.

სატენდერო კომისია ყურადღებას ამახვილებს იმ გარემოებაზეც, რომ ტენდერით მოთხოვნილი მომსახურება (იურიდიული მომსახურება) ასევე მოიცავს მედიაციის გზით დავების გადაწყვეტას. ამდენად, მომსახურების ხარისხიანი შესრულების აუცილებლობიდან გამომდინარე მნიშვნელოვანია პრეტენდენტის სულ მცირე ერთი

თანამშრომელი რეგისტრირებული უნდა იყოს მედიატორთა ერთიან რეესტრში - საქართველოს მედიატორთა ასოციაციის მიერ წარმოებული საქართველოს მედიატორთა ასოციაციის წევრთა საერთო სიაში.

სატენდერო კომისიის სხდომაზე დამატებით აღინიშნა, რომ იურიდიული მომსახურების შესყიდვის მიზნით, სავარაუდო ღირებულების დასადგენად განხორციელდა ბაზრის კვლევა სსიპ – სახელმწიფო შესყიდვების სააგენტოს ვებ-გვერდზე (www.procurement.gov.ge) 2021 წლის 30 ივნისს განთავსებული რეკომენდაციების მიხედვით. ამ მიზნით განხილული იქნა შესყიდვების სამსახურის უფროსის მოადგილის ვასილ გაგნიძის 2023 წლის 22 დეკემბრის ბაზრის კვლევის ოქმი.

როგორც ოქმში არის აღნიშნული, სსიპ – ილიას სახელმწიფო უნივერსიტეტის მიერ შემუშავებული ტენდერის პირობები (შესყიდვის ობიექტის აღწერა და გაწევის წესი, პრეტენდენტების მიმართ დადგენილი/წაყენებული პირობები/მოთხოვნები, გასაწევი მომსახურების ხარჯთაღრიცხვა) გაეგზავნა პოტენციურ მიმწოდებლებს (4 (ოთხი) კომპანიას, რომელიც სრულად აკმაყოფილებს ტენდერის პირობებს), სადაც მხოლოდ ერთმა კომპანიამ გამოხატა დაინტერესება და წარმოადგინა შემოთავაზება:

➤ მიმწოდებელი №1 – **100 500,00 ლ**

ანალიზის შედეგად, სატენდერო კომისიამ მიზანშეწონილად მიაჩნია, რომ მოცემულ შემთხვევაში, შესყიდვის ობიექტის სავარაუდო ღირებულება უნდა განისაზღვროს მიმწოდებელი №1-ის მიერ წარმოდგენილი ფასის მიხედვით.

განხილვის შემდეგ სატენდერო კომისიის წევრებმა მოიწონეს შესყიდვების ერთიან ელექტრონულ სისტემაში ელექტრონულად შევსებული ტენდერის პირობები (სატენდერო განცხადება, სატენდერო დოკუმენტაცია).

ზემოაღნიშნულთან დაკავშირებით სხდომაზე შენიშვნები არ გამოთქმულა და სატენდერო კომისიის წევრებმა დაუჭირეს მხარი წინადადებას (მომხრე: 4, წინააღმდეგი: 0).

კომისიამ დაადგინა:

1. დამტკიცდეს იურიდიული მომსახურების სახელმწიფო შესყიდვის მიზნით სატენდერო დოკუმენტაცია დანართის (დანართი №1) სახით.
2. სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მე-15 მუხლის თანახმად დამტკიცდეს სსიპ – ილიას სახელმწიფო უნივერსიტეტის მიერ იურიდიული მომსახურების შესყიდვის მიზნით შესყიდვების ერთიან ელექტრონულ სისტემაში ელექტრონულად შევსებული ტენდერის პირობები (სატენდერო განცხადება და სატენდერო დოკუმენტაცია);
3. შესყიდვის სავარაუდო ღირებულება განისაზღვროს **100 500,00** (ას ათას ხუთასი) ლარით.
4. დაევალოს სატენდერო კომისიის აპარატს იურიდიული მომსახურების სახელმწიფო შესყიდვის მიზნით ელექტრონული ტენდერის გამოცხადება შესყიდვების ერთიან ელექტრონულ სისტემაში.

კომისიის თავმჯდომარე: ქეთევან ლაკირბაია -

კომისიის წევრები: დალი ცქიტიშვილი -

თეიმურაზ მადრაძე -

ვასილ გაგნიძე -

კომისიის აპარატის წევრი: ივანე კვიტაიშვილი -

წინამდებარე ოქმი სატენდერო კომისიისა და კომისიის აპარატის წევრების მიერ ხელმოწერილია კვალიფიციური ელექტრონული ხელმოწერით „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.